



Broj: 01/1-02-535/17
Breza, 29.03.2017. godine

Z A P I S N I K

sa TREĆE REDOVNE SJEDNICE Općinskog vijeća održane dana 22.02.2017. godine sa početkom u 16,30 sati u prostorijama Općine Breza-Sala Općinskog vijeća.

Sjednicom je predsjedavao predsjedavajući Općinskog vijeća Jusić Vedad.

Po izvršenoj prozivci konstatovano je da sjednici Općinskog vijeća prisustvuje 20 vijećnika.

Sa sjednice opravdano odsutna vijećnica Jekalović Amina.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Meliha Beširević, Smajila Omerhodžić, Herco Huso, Hasanspahić Salih, općinski pravobranilac Telalović Dženana, savjetnik općinskog Načelnika Musafić Eldin i Džambić Mirza, predsjednici i direktori JU, predstavnik SDA, predstavnici MZ-e Slivno i predstavnici medija.

Predsjedavajući Općinskog vijeća Jusić Vedad upoznao je vijećnike o zaključcima koji su doneseni na sastanku predsjednika klubova parlamentarnih stranaka, koji se odnose na dogovor o prikupljanju novčane donacije Kovačević Amaru, zaključak o ograničavanju korištenja govornice za postavljanje i komentari za vijećnička pitanja, kao i vršenje priprema za zakazivanje tematske sjednice na temu Odlaganje komunalnog otpada (reciklažna dvorišta), kao i povremena analiza rada Općinskog vijeća i poštivanja načela efikasnosti ekonomičnosti i uzajamog poštivanja i uvažavanje.

Vijećnik Avdić Edin istakao je da predsjednici klubova mogu zauzimati stavove i prijedloge uz prethodnu saglasnost vijećnika koje zastupaju, i da vijećnici u okviru svoje nadležnosti imaju pravo i dužnost da postavljaju i traže odgovore na vijećnička pitanja i da pokreću inicijative, daju prijedloge i mišljenja u interesu građana koje zastupaju. Predlaže da se poštuje predloženo vrijeme provedeno za govornicom i da se ista ne zloupotrebljava. Ukoliko vijećniku vrijeme za postavljanje vijećničkog pitanja nije dovoljno istom treba omogućiti i dati dodatno vrijeme za postavljanje vijećničkog pitanja ili inicijative. Prvenstveno treba gledati kvalitet postavljenog pitanja ili inicijative.

Zatim se pristupilo razmatranju i usvajanju Zapisnika sa druge redovne sjednice Općinskog vijeća Breza.

Primjedbu na Zapisnik dao je vijećnik Bajrić Fetah, traži ispravku na strani 5. zapisnika da umjesto riječi „legitimitet“ upišu riječi „nemaju podršku od onih koje predstavljaju“.

Vijećnik Muratović Namik traži ispravku na strani 2. prvi red da se umjesto „predsjednik komisije“ upiše „član komisije“, a da se kod komentara odgovora na vijećničko pitanje koje se odnosi na projektnu dokumentaciju Doma u Župči, i vođenje daljih aktivnosti u privođenju Doma u Župči trajnoj namjeni, da se radi o inicijativi, a ne o vijećničkom pitanju kako je napisano.

Vijećnik Sirotanović Arif zatražio je ispravku kod njegove inicijative da se „ukine podsticaj za poljoprivredu“, a da se sredstva usmjere za subvenciju za nabavku goriva, maziva, sjemena, i đubriva.

Iznio je i kritiku na vođenje zapisnika zbog toga što u zapisniku nisu navedene njegove diskusije kod utvrđivanja dnevnog reda gdje je istakao da su predsjednici klubova parlamentarnih stranaka koje participiraju u vlasti sastajali se i davali prijedloge kandidata za stalna radna tijela Općinskog vijeća shodno član 34. Poslovnika o radu Općinskog vijeća, što je trebalo i sad uraditi i ići redosljedom i procedurom propisanom Statutom i Poslovníkom o radu Općinskog vijeća a ne samo dovesti nekoga da digne ili ne digne ruku.

Ovakvim ponašanjem stvara se nezdrava klima među vijećnicima i klubovima vijećnika i dovodi u situaciju da neko nekom kontrira zbog čiste procedure. Svjestan je činjenice da opozicija ne može uticati na proces izbora ali bez obzira na to treba poštovati proceduru propisanu Statutom i Poslovníkom o radu Općinskog vijeća.

Vijećnica Beširević Selma zatražila je ispravku imena na strani 4 zapisnika.

Vijećnik Avdić Edin traži ispravku na strani 3 kod razmatranja Odluka o utvrđivanju prosječne građevinske cijene 1m² korisne stambene površine na području općine Breze, da služba „nije koristila sumarnu metodologiju“ umjesto „da je služba koristila sumarnu metodoloiju“.

Primjedbi na zapisnik više nije bilo te je nakon provedenog postupka glasanja konstatovano da je isti sa datim primjedbama usvojen jednoglasno sa 20 glasova ZA, bez protiv i suzdržanih glasova.

Zatim se prešlo na odgovore po vijećničkim pitanjima.

Vijećnik Bajrić Fetah istakao je da su Općinski načelnik i službe dužne dostaviti odgovore na postavljena vijećnička pitanja u pisanoj formi u roku od 15 dana, a taj rok ne može biti duži od 30 dana i dostaviti ga predsjedavajućem Općinskog vijeća, što je propisano Poslovníkom o radu Općinskog vijeća. Istakao je da je on postavio 4 vijećnička pitanja i da je dobio polovičan odgovor na samo jedno pitanje. Smatra nekorektno ponašanje općinskih službi i traži da mu se odgovori dostave.

Vijećnik Buljetović Ćamil istakao je da je dobio odgovor na jednu inicijativu. Nije dobio odgovor koji se odnosi na vraćanje bisti narodnih heroja iz II Svjetskog rata, te traži da službe zauzmu stav po tom pitanju i o istom obavijete Općinsko vijeće na narednoj sjednici. Kada je u pitanju odgovor na vijećničko pitanje koje se odnosi na privođenje zemljišta trajnoj namjeni kod semafora u Brezi, prvenstveno je postavio da se prije kretanja vegetacije ukloni biljaka ambrozija koja je uočena na tom dijelu i koja ima štetan uticaj na ljude, te bi trebalo zatražiti da vlasnici zemljišta nešto poduzmu po tom pitanju.

Avdić Edin prihvata razloge gđe Smajile Omerhodžić da ne može u roku odgovoriti na postavljeno vijećničko pitanje a takođe se slaže sa vijećnikom Bajrić Fetahom da ukoliko se iz bilo kojih razloga ne može odgovoriti na postavljeno vijećničko pitanje o tome obavijesti Općinsko vijeće i podnosioca pitanja, obzirom da su isti odgovorni građanima koji su ih birali. Dalje je istakao da je sportska dvorana primjer kako ne treba raditi bez prethodno pribavljene studije izvodljivosti i fizibiliteta studije projekta.

Predsjedavajuć Općinskog vijeća istakao je da će na sastanku predsjednika klubova parlamentarnih stranaka aktualizirati pitanje održavanja tematske sjedice po pitanju sportske dvorane.

Vijećnik Mirza Ahmedspahić zahvalio se na dostavljenom odgovoru na vijećničko pitanje koje se odnosi na korekciju puta Bulbulušići-Kamenice, te traži da se napisano i realizuje.

Zatim se prešlo na postavljanje novih vijećničkih pitanja.

Vijećnik Buletović Ćamil izrazio je revolt i nezadovoljstvo zbog obustave grijanja u brezanskim školama i činjenice da su učenici sjedili u hladnim učionicama te postavlja pitanje šta je razlog obustave.

Takođe je u pismenoj formi postavio vijećničko pitanje da li općinske službe i općinski Načelnik, planiraju riješiti pitanje male sale objekta „Partizan“ koji je nekada bio prostor namijenjen za rekreaciju penzionera i ostalih građana Breze.

Postavio je i vijećničko pitanje koje se odnosi na popravak ulične rasvjete kod taksi štanda u Brezi.

Vijećnik Buljetović Ćamil uputio je zahvalnost privatnoj firmi „Termo-beton“, koja je poklonila dio zemljišta za proširenje Katoličkog groblja u Brezi.

Vijećnik Bajrić Fetah postavio je vijećničko pitanje koje se odnosi na rad nelegalnog prihvatilišta za pse u naselju Bate, kao i pojavi dovoza pasa litalica sa područja drugih općina. Šta je općina poduzela po saznanju o dovozu pasa na područje naše općine, kao i šta se uradilo po pitanju pritužbi građana, a šta je PS Breza poduzela po pritužbama građana po pitanju narušavanja javnog reda i mira.

Drugo vijećničko pitanje se odnosi na uzurpaciju i korištenje gradskog građevinskog zemljišta od strane firme TB Inženjering u centru grada, i istu koristio, te šta su nadležni općinski organi uradili i poduzimali po tom pitanju.

Postavio je i vijećničko pitanje koje se odnosi na pojavu uzurpacije javnih površina pa i putne komunikacije od strane najodgovornijih ljudi u Općini, te tu praksu koriste i drugi građani tako da je u ul. Stara kula zagrađen izlaz na lokalni put Stara kula-Smrekovica. Šta su nadležne službe poduzele po tom pitanju. Koliko je općinski građevinski inspektor donio rješenja o rušenju (uklanjanju) objekta, a koliko je rušenja realizovano u periodu 2013., 2014., 2015. i 2016. godina.

Vijećnik Sirotanović Arif pokrenuo je inicijativu na uvođenju autobuskih linija za ruralna područja općine, a zatražio je popravak udarnih rupa na putu Kahve-Kamenice od pružnog prelaza.

Vijećnik Sirotanović Arif postavio je pitanje Muratović Namiku u vezi diskusije na drugoj redovnoj sjednici

1. Da mi vijećnik Muratović Namik odgovori šta je to „policijski govor“, jer mi je to rekao na prethodnom vijeću, „Arife nemoj govoriti policiskim govorom“

2. Da Muratović Namik odgovori ko je od policije koja uzima, tačno po imenu i prezimeu, šta je to uzeo policajac, od koga je uzeo, da se zna, po imenu prezimenu oštećenih. Namik je javno za govornicom rekao kao što uzima policija.

3. Tražim od sekretara vijeća da se dostavi snimak gdje je Namik rekao iz tačke 2, kao i moje reagovanje na Namikove izgovorene riječi.

Vijećnik Muratović Namik pokrenuo je vijećničku inicijativu da se ukoliko ne postoje zakonske smetnje da se na zvaničnoj web stranici općine objavi projektna dokumentacija o rekonstrukciji vodovoda Mahmutović rijeka-Župča i sekundane vodovodne mreže u MZ – Župča.

Vijećnik Kadrić Memsud zatražio je da se izvrši pregled i stanje općinske imovine.

Vijećnik Avdić Edin postavio je vijećničko pitanje o mogućnosti uvođenja subvencija za pokretanje biznisa od strane mladih nezaposlenih osoba.

Drugo pitanje je šta se na nivou kantona uradilo za ekološko uništenje ili adekvatno uklanjanje animalnog otpada sitne i krupne stoke, kao i klasičnog otpada, otpada iz mljekara i sl.

Da li općina Breza ima razrađen sistem zaštite i spašavanja ljudi i materijalnih dobara od prirodnih i drugih nesreća i katastrofa.

Vijećnica Nejira Bulbulušić postavila je vijećničko pitanje koje se odnosi na rekonstrukciju puta u naselju Bulbulušići –Željeznička stanica, tačnije od bloka do mosta u Mahali, gdje su građani saglasni da dijelom učestvuju u finansiranju.

Postavila je pitanje koje se odnosi da Služba za finansije, inspekciske poslove i opću upravu dostavi izvještaj o dodjeli bespovratnih kredita, stipendija, pomoći za stambeno zbrinjavanje te davanje ostalih pomoći koje su u nadležnosti boračko invalidske zaštite, sa akcentom na bespovratne kredite za protekli period od 4 godine.

Vijećnik Babović Anes postavio je pitanje koje se odnosi na rad i poslovanje JU obdanište „Umihana Čuvidina“ Breza, broj zaposlenih i stručna sprema zaposlenih, te da li postoje lica koja rade a nisu prijavljena.

Uz dopuštenje predsjedavajućeg Općinskog vijeća sjednicu je napustio vijećnik Bajrić Fetah 17.10 do 17.25).

U nastavku sjednice pristupilo se utvrđivanju dnevnog reda.

Predsjedavajući Općinskog vijeća upoznao je vijećnike da je od strane JU Centar za socijalni rad Breza dostavljeno obavještenje da nisu u mogućnosti dostavili traženi Izvještaj o radu Centra za socijalni rad Breza za 2016.godinu iz razloga što se nisu stekli uslovi za njegovo donošenje te predlaže da se dio 8 tačke: Razmatranje i usvajanje Izvještaja o radu Centra za socijalni rad Breza za 2016 godinu povuče sa dnevnog reda.

Predsjednik Upravnog odbora JU Centra za socijalni rad Breza Rešad Omerhodžić pojasnio je, da je za donošenje ovog Izvještaja potrebno više vremena obzirom da je uočeno da ima dosta nepravilnosti i nezakonitog rada. Kada je u pitanju donošenje Programa rada JU Centar za socijalni rad Breza za 2017. godinu predlaže vijećnicima da isti uvrste u dnevni red.

Vijećnik Bajrić Fetah traži da se javno objave imena lica koja su dobila jednokratne pomoći iz Budžeta Općine Breza i u kom iznosu za protekli period, obzirom da se radi o budžetskim sredstvima poreskih obveznika te treba da je sve javno i transparentno.

Predsjednik kluba SBB Muratović Namik daje podršku rada Upravnog odbora JU Centar za socijalni rad Breza u cilju donošenja sveobuhvatne informacije o radu ove javne ustanove za protekli period.

Predsjedavajući Općinskog vijeća dao je na glasanja prijedlog da se dio 8 tačke Razmatranje i usvajanje Izvještajao radu Centra za socijalni rad Breza za 2016. godinu povuče sa dnevnog reda.

Nakon provedenog postupka glasanja konstatovano je da je prijedlog usvojen jednoglasno sa 20 glasova ZA , bez protiv i suzdržanih glasova.

U nastavku je jednoglasno sa 20 glasova ZA, bez protiv i suzdržanih glasova usvojen sljedeći:

D N E V N I R E D

1. Usmena informacija o radu Općinskog načelnika u periodu između dvije sjednice.
2. Razmatranje i donošenje zaključka po Nacrtu Budžeta Općine Breza za 2017g.
3. Razmatranje i usvajanje prijedloga Odluke o dopuni Odluke o građevinskom zemljištu.
4. Razmatranje i usvajanje prijedloga Odluke o raspisivanju i održavanju izbora za članove savjeta mjesnih zajednica na području Općine Breza.
5. Razmatranje i usvajanje prijedloga Programa obavljanja komunalnih usluga zajedničke komunalne potrošnje u vremenu od 15.03.2017. do 15.03.2018. godine.
6. a) Razmatranje i usvajanje Izvještaja o radu Opće biblioteka „Muhamed Kantardžić“ Breza za 2016 g.
b) Razmatranje i usvajanje Programa rada Opće biblioteke „Muhamed Kantardžić“ Breza za 2017.godinu.
7. a) Razmatranje i usvajanje Izvještaja o radu JU za predškolsko obrazovanje i vaspitanje „Umihana Čuvidina“ Breza za 2016.godinu.
b) Razmatranje i usvajanje Godišnjeg Programa rada JU za predškolsko obrazovanje i vaspitanje Umihana Čuvidina“ Breza za 2016/2017.godinu.
8. Razmatranje i usvajanje Programa rada JU Centra za socijalni rad Breza za 2017.godinu.
9. Razmatranje i usvajanje Izvještaja o radu JU „Dom zdravlja Breza za 2016 godinu.

Ad.1

Usmena informacija Općinskog načelnika o aktivnostima između održanih sjednica.

Općinski načelnik Zaimović Munib upoznao je vijećnike o aktivnostima koje su vođene u periodu između dvije sjednice.

- na nivou općine formirana komisija za popis imovine da bi se sa MZ-e ustanovilo čija je imovina, vrijednost i stanje imovine, amortizacija itd, kako bi infrastrukturni objekti dobili tehničke preglede, kao i evidentiranje i stavljanje pod kontrolu vodovoda i kanalizacija kako bi održavali sistem,

- planira se zatvoriti objekat sportske dvorana radi zaštite i uložiti napore i objekat što prije staviti u funkciju,

- izvršeno je evidentiranje lica kako sa naše tako i susjednih općina koja su vršila dovoz animalnog otpada na područje naše općine, a izvršeno je i evidentiranje lica koja su vršila dovoz pasa litalica na područje naše općine uz podršku lica sa naše općine,

- pored ovih aktivnosti vršene su pripreme za izradu Nacrta Budžeta općine Breza za 2017. godinu,

- u posjeti Općini Breza bili su predstavnici vlade ZE-DO kantona koji su se upoznali sa radom i dali podršku Općinskom načelniku i službama u daljem radu,

- u proteklom periodu došlo je do obustave isporuke toplotne energije iz RMU Breza što je dovelo do problema u zagrijavanju,

- došlo je i do blokade računa od strane Razvojen banke, zbog zastoja u plaćanju rata kredita za projekat vodonabijevanja općine Breza,

- započela je i isplata stalnih novčanih naknada korisnicima Centra za socijalni rad Breza za 2014. godinu, obzirom da isti nisu isplaćivane, isplata će se nastaviti u kontinuitetu za preostali period za koje naknade nisu isplaćivane,

- radi se i na izradi plansko razvojne dokumentacije, a planira se i formiranje Dobrovoljnog vatrogasnog društva.

Vijećnik Avdić Edin postavio je pitanje da li je pokrenuta kontrola od strane općine, direktora Veterinarske stanice Breza, nadležnih iz Ministarstva poljoprivrede Ze-do kantona i predstavnika firme Perutnina „Ptuj“, u vezi pojave novog virusa u peradarskoj proizvodnji. Da li Veterinarska stanica ima epidemiološko stanje, te da li se vrše promotivne aktivnosti u vezi epidemije.

Općinski načelnik pojasnio je da je u Veterinarskoj stanici Breza nakon duže vremena došlo do uspostavljanja nadzornog i upravnog mehanizma, te da se u saradnji sa JP „Komunalno“ d.o.o. Breza nađu mogućnosti rješavanja problema pasa litalica i otvaranja azila za pse i mogućoj lokaciji za isto. U Budžetu Općine Breza za 2017. godinu predviđen dio sredstava za početak gradnje azila za pse. Istakao je da nije bilo razgovora o mikrobiološkoj kontroli prisustva virusa u oblasti peradarstva.

Vijećnik Buljetović Ćamil predlaže da se razmisli o mogućnosti organizovanja vatrogasne zaštite u saradnji sa susjednim općinama Ilijaš i Visoko.

Vijećnik Kadrić Memsud traži da se organizuje prevoz učenika i radnika sa ruralnih područja.

Pomoćnik Općinskog načelnika Salih Hasanspahić upoznao je vijećnike o dosadašnjem načinu i problemima organizovanja prevoza sa ruralnih područja.

Na zahtjev vijećnika uslijedila je pauza od 18:20 do 18:40 minuta.)

Ad.2

Razmatranje i donošenje zaključka po Nacrtu Budžeta Općine Breza za 2017. godinu.

Pomoćnik općinskog načelnika za finansije, inspeksijske poslove i opću upravu Meliha Beširević upoznala je vijećnike o prijedlogu Nacrta Budžeta Općine Breza za 2017. godinu, koji se sastoji od prihoda u iznosu od 4.600.000,00 KM, rashoda od 4.500.000,00 KM, pokrića akumuliranog deficita od 100.000,00 KM i tekuće rezerve od 50.000,00 KM. Pozvala je sve

zainteresovane stranke da daju prijedloge, sugestije i mišljenje kako usmeno tako i pismenim putem, kako bi se iste razmotrile i eventualo unijele u prijedlog Budžeta općine Breza za 2017. godinu.

Vijećnik Mirza Ahmedspahić zatražio je pojašnjenja i način raspodjele budžetskih sredstava za sportska društva, za poljoprivredu i Dom zdravlja Breza, te zašto je došlo do povećanja sredstva za Opću biblioteku „Muhamed Kantardžić“ Breza.

Vijećnik Muratović Namik istakao je da je za finansijsko stanje kriv bivši općinski načelnik i pomoćnici općinskog načelnika, koji su trebali ukazati na nezakoniti rad.

Vijećnik Buljetović Čamil pitao je kad je na dnevnom redu Izvještaj o izvršenju Budžeta općine Breza za 2016. godinu

Vijećnik Bajrić Fetah govorio je o kršenju podzakonskih akata koje se odnose na isplatu plata i naknada uposlenika općinskog organa uprave, obzirom da je broj uposlenih veći u odnosu na Pravilnik o unutrašnjoj organizaciji i sistematizaciji radnih mjesta u jedinstvenom općinskom organu. Prokomentarisao je i nezakonite isplate jednokratnih novčanih pomoći licima koja nisu u stanju socijalne potrebe i koja se vrše iz Budžeta Općine Breza, a da vijećnici ne mogu dobiti informaciju o kojim licima se radi, bez obzira što trošenje budžetskih sredstava trebada je javno i transparentno. Stiće se utisak da je Centar za socijalni rad Breza vršio nenamjensko trošenje budžetskih sredstava.

Vijećnik Avdić Edin je istakao da budžet nije ni jasan ni transparentan. Sugerisao je da se u Budžetu za 2017. godinu planiraju sredstva za kapitalne investicije uz tačan plan i program i vrijednost projekata, te nakon toga predvidjeti sredstva u budžetu općine. Kako nabaviti nešto kad ne znamo ni šta, ni koliko košta, ni za koji projekat. Neophodno je da Općinski načelnik pripremi Program rada općinskog načelnika, te da na osnovu istog planira i budžetska sredstva. Budžet je socijalnog karaktera. Osvrnuo se i na grantove pojedincima gdje je planirano 100 hiljada KM a da nije navedeno, ni kome, ni kako, ni kriterije za dodjelu. Subvencije JU nisu planirane prema broju korisnika i pruženim uslugama građanima.

Subvencija JU Dom zdravlja Breza u iznosu od 50 hiljada KM nije realna prema nivou usluga i broju korisnika.

Subvencija planirana JP „Komunalno“ d.o.o. Breza u iznosu od oko 186 hiljada za potrebe izvršavanja zadataka nisu sredstva koja će omogućiti komunalnom preuzeću da poboljša proizvodnju i pružanje usluge i da ostvari prihod. Treba izvršiti analizu rada i potreba JP „Komunalno“ d.o.o. Breza u cilju povećanja proizvodnje i usluga, te osposobiti JP „Komunalno“ da može obavljati poslove kao što su zimsko održavanje, održavanje javne rasvjete, izgradnje kanalizacije itd., zatim sredstva predvidjeti u budžetu općine, te tako omogućiti preduzeću da sam ostvari prihod i poboljša nivo usluga.

Donacija predviđena PU Breza, nije navedeno za što je planirano a potrebno je raditi na uvođenju rada policije po uzoru na Evropske gradove.

Smatra da je potrebno što prije završiti racionalizaciju uposlenika u jedinstvenom općinskom organu prema važećim standardima i broj uposlenih dovesti na optimalan broj.

Pomoćnik Općinskog načelnika Meliha Beširević odgovorila je na postavljena pitanja koja su vijećnici postavili na raspravi.

U nastavku se vodila polemika o donošenju Programa rada Općinskog načelnika, te je sekretar Općinskog vijeća pojasio da po zakonu načelnik nije obavezan donositi Program rada, te da u dosadašnjoj praksi ovaj dokumenat nije usvajan na Općinskom vijeću Breza. Izvještaj o radu općinskog načelnika i službi za upravu je obavezan i usvaja se na Općinskom vijeću.

Predsjednik kluba SBB Namik Muratović pozvao je vijećnike da čuvaju dignitet ovog vijeća. Podsjetio je vijećnike prošlog saziva da u prethodnom periodu nisu insistirali na donošenju Programa rada Općinskog načelnika. Prošli saziv vijeća dao je i saglasnost na kreditno zaduženje JKP u cilju sanacije duga i uplate doprinosa.

Učesnika u raspravi nije bilo te je predsjedavajući općinskog vijeća predložio sljedeći:

ZAKLJUČAK

I

UTVRĐUJE SE Nacrt Budžeta Općine Breza za 2017.godinu.

Po utvrđenom Nacrtu Budžeta Općine Breza za 2017.godinu sprovesti javnu raspravu sa vijećnicima i svim korisnicima Budžeta Općine Breza.

II

Javnu raspravu sprovesti u periodu od 23.02.2017 do 23.03.2017.godine

III

Za realizaciju zaključka zadužuje se Općinski načelnik i Služba za finansije, inspekcijske poslove i opću upravu.

Nakon provedenog postupka glasanja konstatovano je da je zaključak usvojen jednoglasno sa 20 glasova ZA , bez protiv i suzdržanih glasova.

(Na zahtjev vijećnika uslijedila je pauza 18.30 do 18,50 sati)

Ad.3

Razmatranje i usvajanje prijedloga Odluke o dopuni Odluke o građevinskom zemljištu.

Pravni osnov kao i razloge za donošenje predložene odluke dala je pomoćnik općinskog načelnika Smajila Omerhodžić.

Vijećnik Kadrić Memsud zatražio je pojašnjenje obzirom da se radi o otvaranju nove industrijske zone ima li planova za rješavanje osnovne infrastrukture tog dijela. Novim Regulacionim planom Koritnik će biti definisana kompletna infrastruktura ovog djela pojasnila je g-đa Omerhodžić.

Vijećnik Namik Muratović konstatovao je da se uvodi obaveza uvođenja plaćanja rente za graditelje, čime bi došlo do punjenja budžeta općine Breza.

Učesnika u raspravi više nije bilo te je nakon provedenog postupka glasanja konstatovano da je Odluke o dopuni Odluke o građevinskom zemljištu usvojena jednoglasno sa 20 glasova ZA , bez protiv i uzdržanih glasova.

Ad. 4

Razmatranje i usvajanje prijedloga Odluke o raspisivanju i održavanju izbora za članove Savjeta mjesnih zajednica na području Općine Breza.

Pravni osnov kao i razloge za donošenje dao je pomoćnik Općinskog načelnika Salih Hasanspahić.

Dodatna pojašnjenja o proceduri, kriterijima i načnu formiranja MZ zatražio je Namik Muratović, predsjednik kluba SBB, što je g-din Hasanspahić i pojasnio.

Učesnika u raspravi više nije bilo te je nakon provedenog postupka glasanja konstatovano da je jednoglasno sa 20 glasova ZA, bez protiv i suzdržanih glasova usvojena Odluke o raspisivanju i održavanju izbora za članove Savjeta mjesnih zajednica na području Općine Breza.

Ad. 5

Razmatranje i usvajanje prijedloga Programa obavljanja komunalnih usluga zajedničke komunalne potrošnje u vremenu od 15.03.2017. do 15.03.2018. godine.

Pomoćnik Općinskog načelnika Smajila Omerhodžić upoznala je vijećnike da je po Nacrtu Programa obavljanja komunalnih usluga zajedničke komunalne potrošnje u vremenu od 15.03.2017. do 15.03.2018. godine utvrđeno održavanja Javne rasprave u periodu od 26.01 do 15.02.2017.godine. Glavna javna rasprava održana je 13.02.2017 godne u 16 sati,

na kojoj je data mogućnost svim prisutnima da daju svoje primjedbe i sugestije, nakon čega će služba iste analizirati i po mogućnosti uvrstiti u program.

Vijećnik Namik Muratović istakao je da je prihvaćen prijedlog o zimskom čišćenju snijega sa trotuara i prilazima javnim objektima od robne kuća u Župči do mosta u Podžupči.

Vijećnik Sokić Dževahid predlaže amandman i to čišćenje naselja Kahve-od pružnog prelaza do ulaza u Okno „Kamenice“, na strani 2. Programa stavka IV- Ulice koje se čiste dva puta mjesečno, planiraju u stavku III-Programa, ulice koje se čiste jedan put sedmično.

Vijećnik Avdić Edin osvrnuo se na poboljšanje Programa obavljanja komunalnih usluga zajedničke komunalne potrošnje, u pogledu održavanja javnih površina naročito košenje trave na površinama uz Regionalni put 444., kao i da se u stavku pranje uvrsti površina ispred „Lamela“. Isto tako dao je prijedloge za mogućnost uvođenja kontrole od strane ovlaštenog predstavnika, da se u mjerama sprovođenja predvidi mogućnost kažnjavanja ukoliko radovi ne budu izvršeni. Dalje je istakao da se pojedine stavke kao što su održavanje rasvjete, kafileriske usluge koje se po Zakonu o komunalnim djelatnostima mogu povjeriti JP „Komunalno“, ne nalaze se u Programu obavljanja komunalnih usluga zajedničke komunalne potrošnje, te zbog toga neće ni podržati ovaj program. Predlaže da se komunalno preduzeće osposobi za pruženje navedenih usluga te da mu se isti i povjere, a sredstva planiraju u Budžetu.

Vijećnik Bajrić Fetah podržava prijedlog Programa obavljanja komunalnih usluga u navedenom periodu, te se osvrnuo i na Odluku o ljetnom održavanju puteva koja po njegovom mišljenju nije dobra. Prvo trebamo stvoriti uslove i nekog osposobiti u pogledu materijalno tehničkih sredstava i potrebnog ljudstva pa tek tada povjeriti mu poslove.

Vijećnik Sirotanović Arif konstatovao je da je komunalno preduzeće već duže vremena u krizi te da je on kao vijećnik i prije predlagao nabavku sredstava čime bi pomogli komunalno preduzeće u obavljanju poslova, te da se bavimo početkom nastajanja problema a ne da se bavimo posljedicama.

Vijećnik Kadrić Memsud predlaže da se u održavanje uključe MZ-e.

Vijećnik Ćamil Buljetović tražio je odgovore kome je povjereno održavanje javne rasvjete.

U nastavku predsjedavajući Općinskog vijeća predložio je amandman vijećnika Sokić Dževahida čišćenje naselja Kahve-od pružnog prelaza do ulaza u Okno „Kamenice“, na strani 2. Programa stavka IV- Ulice koje se čiste dva puta mjesečno, planiraju u stavku III-Programa, ulice koje se čiste jedan put sedmično.

Nakon provedenog postupka glasanja konstatovano je da je predloženi amandman usvojen sa 18 glasova za i 2 glasa protiv, suzdržanih nije bilo.

Nakon toga pristupilo se glasanju za prijedlog Programa obavljanja komunalnih usluga zajedničke komunalne potrošnje u vremenu od 15.03.2017. do 15.03.2018. godine, i datog amandmana, te je nakon provedenog postupka glasanja konstatovano da je isti usvojen sa 18 glasova ZA i 2 glasa protiv, suzdržanih nije bilo.

Ad. 6

a) Razmatranje i usvajanje Izvještaja o radu Opće biblioteka „Muhamed Kantardžić“ Breza za 2016 g.

b) Razmatranje i usvajanje Programa rada Opće biblioteke „Muhamed Kantardžić“ Breza za 2017.godinu.

a) Izvještaja o radu Opće biblioteka „Muhamed Kantardžić“ Breza za 2016 g.

Direktorica Opće biblioteke „Muhamed Kantardžić“ Breza, Indira Lukačević izvršila je prezentaciju i putem slajdova upoznala je vijećnike o radu ove javne ustanove u 2016. godini.

Vijećnik Kadrić Memsud postavio je pitanje zašto je došlo do smanjenja korisnika u Biblioteci, na što je g-đa Lukačević pojasnila da je u prošloj godini izvršen besplatan upis dva

razreda osnovnih škola ukupno 60 čitalaca, u cilju povećanja broja korisnika, stvaranje navike i pružanje prilike mlađoj populaciji za čitanjem knjiga, za taj broj je manje upisanih korisnika.

Učesnika u raspravi više nije bilo te je Izvještaja o radu Opće biblioteka „Muhamed Kantardžić“ Breza za 2016 g. usvojen jednoglasno sa 29 glasova ZA , bez protiv i suzdržanih glasova.

b) Programa rada Opće biblioteke „Muhamed Kantardžić“ Breza za 2017. godinu.

Bez učesnika u raspravi jednoglasno sa 20 glasova ZA, bez protiv i suzdržanih glasova usvojen je Programa rada Opće biblioteke „Muhamed Kantardžić“ Breza za 2017. godinu.

Ad. 7

a) Razmatranje i usvajanje Izvještaja o radu JU za predškolsko obrazovanje i vaspitanje „Umihana Čuvidina“ Breza za 2016. godinu.

b) Razmatranje i usvajanje Godišnjeg Programa rada JU za predškolsko obrazovanje i vaspitanje Umihana Čuvidina“ Breza za 2016/2017. godinu.

a) Izvještaja o radu JU za predškolsko obrazovanje i vaspitanje „Umihana Čuvidina“ Breza za 2016. godinu.

Direktorica JU za predškolsko obrazovanje i vaspitanje „Umihana Čuvidina“ Breza za 2016. godinu Nukić Hamida upoznala je prisutne o radu ove javne ustanove u proteklom periodu sa problemima sa kojim se susreću u svom radu, te o kvalifikacionoj strukturi zaposlenih i finansijskom stanju.

Vijećnik Muratović Namik postavio je pitanje koje se odnosi na način prijema i broj uposlenih mimo Pravilnika o unutrašnjoj sistematizaciji, te broju neprijavljenih radnika kao i kako je došlo do promjene koeficijenta za obračun plate direktoru mimo odluke o važećem koeficijentu.

Vijećnik Babović Anes takođe je postavio pitanja koja se odnose na broj i način zapošljavanja u ustanovu, da li ima neprijavljenih radnika.

Vijećnik Bajrić Fetah konstatovao je da je za stanje u ustanovi odgovoran direktor JU.

Vijećnik Sokić Dževahid pohvalio način rada i odnos prema djeci te daje podršku direktorici u daljem radu.

Vijećnik Avdić Edin interesovao se da li ima pritužbi na rad od strane roditelja te takođe podržava rad ustanove.

Vijećnica Škrgić Belma iznijela je sve pohvale za rad ustanove iz svog iskustva.

Općinski načelnik Munib Zaimović istakao je da je u proteklom periodu bilo nezakonitog zapošljavanja, zašto krivicu snosi direktor ustanove.

Vijećnik Beširević Midhat takođe je uputio pohvale za rad i odnos prema djeci od strane kako direktora tako i drugog osoblja.

Učesnika u raspravi više nije bilo te je predsjedavajući Općinskog vijeća dao na glasanje Izvještaja o radu JU za predškolsko obrazovanje i vaspitanje „Umihana Čuvidina“ Breza za 2016. godinu.

Nakon sumnje u ispravnost javnog glasanja prešlo se na poimenično glasanje.

Nakon izvršenog poimeničnog glasanja konstatovano je da Izvještaj o radu JU za predškolsko obrazovanje i vaspitanje „Umihana Čuvidina“ Breza za 2016. godinu nije usvojen, (10 vijećnika glasalo ZA , 8 vijećnika protiv i 2 suzdržana).

b) Program rada JU za predškolsko obrazovanje i vaspitanje „Umihana Čuvidina“ Breza za 2016/2017.godinu.

Didektorica JU za predškolsko obrazovanje i vaspitanje Umihana Čuvidina“ Breza Nukić Hamida upoznala je prisutne o predloženom Programu rada JU za 2016/17 godinu.

Nako toga dat je na glasanje Programa rada JU za predškolsko obrazovanje i vaspitanje „Umihana Čuvidina“ Breza za 2016/17.godinu, te je nakon provedenog postupka glasanja konstatovano da isti usvojen sa 14 glasova ZA , 5 suzdržanih, protiv nije bilo.

(U trenutku glasanja u sali nije bila prisutna vijećnica Škrgić Belma)

Ad. 8

Razmatranje i usvajanje Programa rada JU Centra za socijalni rad Breza za 2017.godinu.

Direktor JU Centa za socijalni rad Breza Dinarević Nezir upoznao je vijećnike o prijedlogu Programu rada JU Centar za socijalni rad Breza za 2017. godinu, te poziva vijećnike da učestvuju u kreiranju istog, te da daju svoje prijedloge i sugestije.

Predsjednik Upravnog odbora JU Centar za socijalni rad Breza Omerhodžić Rešad pojasnio je da broj uposlenih u ovoj ustanovi ne odgovara postojećem Pravilniku o sistematizaciji radnih mjesta. Predlaže da se razmisli o zapošljavanju psihologa.

Vijećnik Bajrić Fetah takođe je govorio o načinu i prekobrojnom zapošljavanju mimo Pravilnika u sistematizaciji radnih mjesta. Istakao je da ovakav način rada nije u skladu sa zakonom. Predlaže izradu kriterija za raspodjelu novčanih sredstava.

Općinski načelnik pojasnio je da u proteklom periodu 2014.,2015., nisu isplaćivane stale novčane naknade koje su namjenjene korisnicima sa najmanjim primanjima, te da je trenutno stavljen akcenat na isplatu zaostalih naknada.

Predsjednik kluba SBB Namik Muratović istakao je da je za ovakvo stanje u Centru odgovoran direktor. Odgovoran je i za nezakonito zapošljavanje mimo Pravilika o sistematizaciji radnih mjesta, gdje je došlo do povećanja zaposlenih radnika.

Direktor JU Centra za socijalni rad Breza Dinarević Nezir pojasnio je da je bilo prijema službenika mimo Pravilnika o sistematizaciji radnih mjesta i da je to učinjeno u skladu sa standardima koji propisuju broj uposlenih u odnosu na broj lica koja su korisnici Centra za socijalni rad i prema drugim kriterijima. Smatra da broj zaposlenih nije upitan te bi po standardima trebalo izvršiti prijem novih uposlenika.

Vijećnik Buljeović Ćamil predlaže da se program povuče te da se razmatra nakon razmatranja Izvještaja o radu JU Centra za socijalni rad Breza za 2016. godinu.

Vijećnik Avdić Edin ističe da mi ovdje nikoga ne možemo osuditi bez dokaza i provedenog postupka, a predlaže da predloženi Program rada usvojimo jer je isti dobar i kvalitetan.

Vijećnik Namik Muratović kategorički je da se na ovakav način ne može zapošljavati bez provedene procedure ta da se broj zaposlenih smanji.

Predsjednik UO Omerhodžić Rešad upoznao je da nije potrebno donositi nikakvu zakonsku regulativu obzirom da je zakonom jasno propisan način i kriterije za isplatu zakonom predviđenih nakanada te je potrebno iste samo ispoštovati.

Nakon rasprave predsjedavajući je dao na glasanje Programa rada JU Centra za socijalni rad Breza za 2017.godinu.

Nakon prvedenog postupka glasanja konstaovano je da isti nije dobio potrebnu većinu (8 vijećnika je glasalo ZA, 9 vijećnika je bilo protiv i 2 vijećnika su bila suzdržana)

Ad. 9

Razmatranje i usvajanje Izvještaja o radu JU Dom zdravlja Breza za 2016. godinu.

Direktor JU Doma zdravlja Breza Šabanović Nisad vijećnike je upoznao o radu i problemima u radu u protekloj godini. Istakao je da je Dom zdravlja Breza rad u prošloj godini, započeo sa zastarjelom opremom, i nedostatkom medicinske opreme koja je potrebna u svakodnevnom pružanju usluga pacijentima. U prošloj godini izvršena je nabavka dva sanitetska vozila, rentgen aparata i druge medicinske opreme, a izvršeno je utopljanje i izmjena stolarije na zgradi bolnice, a urađena je i izgradnja nastrešnice za smještaj vozila Doma zdravlja. U proteklom periodu uočen je i odlazak medicinskog osoblja. U nastavku direktor je govorio o planovima za rad u narednom periodu.

Vijećnik Muratović Namik istakao je da se slaže da su u proteklom periodu obezbjeđene donacije koje su poboljšale rad i pruženje usluga pacijentima i da je to rezultat rada zaposlenih u zdravstvu. Zamjerio je direktoru način i broj zapošljavanja u Dom zdravlja Breza mimo Pravilnika o sistematizaciji radnih mjesta, gdje je zaposleno 22 nova radnika, te postavlja pitanje, odakle su izvršene isplate plata za novoprimljene radnike, odnosno odakle su se namirila nedostajuća sredstva.

Vijećnik Kadrić Memsud postavio je pitanje o radu laboratorije Doma zdravlja, da li je ista opremljena za analizu osnovnih i dodatnih pretraga, te zašto se vrši naplata za pojedine nalaze laboratorije.

Vijećnik Avdić Edin smatra da je Izvješta o radu dobar i isti će podržati. Predlaže da se donese Program rada JU za naredni period, gdje treba odrediti opšti cilj programa i smanjiti smrtnost a za strateški cilj predvidjeti specijalizacije.

Direktor ustanove u nastavku je odgovorio na postavljena pitanje.

Vijećnik Sirotanović Arif istakao je da nije morao vršiti dodatnu uplatu laboratorijskih nalaza i ako je to istina da se plaća to treba ispitati i prekinuti tu praksu.

Vijećnik Bajrić Fetah zahvalio se direktoru na zaslugama. Uputio je kritiku zbog prakse da pacijenti plaćaju ampulare lijekove. Još uvijek je prisutan problem rada specijalističkih službi a naročito interniste gdje su stvorene velike liste čekanja za pregled što je nedopustivo i treba što prije tražiti rješenje za ovakvo stanje. Evidentan je i višak broja uposlenih i smatra da osiguranici nisu mogli konzumirati ono što su trebali i što im pripada.

Vijećnik Beširević Midhat ukazao je na problem rada specijalističkih službi te predlaže da ubuduće moramo osigurati vlastite specijalizante.

Vijećnik Avdić Edin insistira na dostavi Programa rada Doma zdravlja Breza za 2017. godinu.

Učesnika u raspravi više nije bilo te je predsjedavajući Općinskog vijeća dao na glasanja Izvještaja o radu JU Dom zdravlja Breza za 2016. godinu.

Nakon provedenog postupka glasanja konstatovano je da isti nije dobio potrebnu većinu (7 vijećnika je glasalo ZA, 7 protiv i 6 suzdržanih)

Ovim je iscrpljen dnevni red treće redovne sjednice Općinskog vijeća Breza koja je sa radom završila u 22,00 sata.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović

PREDSJEDAVAJUĆI
Općinskog vijeća
Jusić Vedad